

大清會典

嚮導處

大清會典

嚮導處

嚮導處掌印總統大臣一人。於總統大臣內特簡。總統

大臣。於前鋒統領護軍統領副都統內特簡。無定員。

掌嚮導之事以備扈從。

○凡

巡幸先期率其屬以往。相其程途之遠近而還奏焉。



恭遇 巡幸。先期。總統大臣率所屬官兵前往相度。周知路徑。詳記地名。通橋梁。平險阻。計程途之遠近。以聞。

啟鑾則前導。

駐御營先期則奏請得

旨遂傳於各營。

每日 駐蹕後。以次日程途及駐蹕之所開列奏請得旨則

交 行在兵部 通行傳諭闔營。

回鑾亦如之。張幔城網城。則相其地。頓營亦如之。

駐蹕御營及頓營看城均由總統等先期指示。飭所在有司修築平整焉。

協理事務章京二人。於嚮導章京內遴選補放。

掌章奏文移。

額設拜唐阿四十八人。於八旗前鋒校護軍校驍騎校前鋒護軍內

充選

嚮導章京三十有二人。旗各四人。於護軍參領內遴選補放。

掌分司嚮導之事。

筆帖式二人。於前鋒護軍內補放。

掌繙譯。

掌繙譯

